



Que es interlingua ?



In 1951 un gruppo de linguistas europeas e americanas, post longa analyse del projectos de lingua auxiliar international, concludeva que le vocabulario latin es le hereditage commun a tote le idiomas occidental e insimul con le terminologia scientific de origine grec es le vehiculo general de communication del moderne civilisation technologic mundial.

Al servicio de iste richissime vocabulario esseva ponite un grammatica facile, reflectite in le evolution del language human, que ha sempre tendentias verso le simplification.

Assi il appareva INTERLINGUA, presentate initialmente in 2 obras basic: *Interlingua English Dictionary*, con 27.000 parolas international e *Interlingua Grammar*. Interlingua es integremente natural e ha sonos e scriptura agradabile. Cata parolas es adoptate, desde que illo sia commun a al minus 3 del sequente **linguas de controllo**: anglese, francese, italiano e espaniol/portugese. Si il non existe un parola commun, allora decide le **idiomas de consulta**: germano, russo e latino.

Le Humanitate cammina verso un mundo sin frontieras. Ecce le Naciones Unite, le Union Europeas, le Nafta, le Mercosud etc. Le communication inter le naciones, tamen, es problematic con le existentia de 2.700 linguas e 8.000 dialectos. Urge le adoption natural de interlingua como un sorta de **lingua-ponte** in le relationes international.

Le 900 milliones qui parla portugese, espaniol, italiano, francese, romaniano, etc e le anglofonos comprende un texto technic in interlingua **sin studio previe**. Illo es anque **recognoscibile** pro le parlantes de linguas germanic e slavic. Pro le populos del Asia e Africa, interlingua es de facto lor denominator commun, le clave que aperi le portas del idiomas occidental e allora, del scientia e del technologia.

Le divulgation de interlingua, in le campo international, es coordinate per le UMI (Union Mundial pro Interlingua).

@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@@

Informaciones:

UMI – Union Mundial pro Interlingua
E-posta: presidente@interlingua.com,
secretario.general@interlingua.com

www.interlingua.com